

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第四四冊



責任編輯：孫言誠 賀 偉

ISBN 7-5333-0615-5



95.2/05

四庫全書存目叢書·集部四四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 39.625 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第四冊目次

集部·別集類

湘臯集三十三卷

〔明〕蔣冕撰
上海圖書館藏明嘉靖三十三年王宗沐等刻本

一

堇山文集十五卷附錄一卷

〔明〕李堂撰
北京大學圖書館藏明嘉靖刻本

三三九

西軒效唐集錄十二卷補遺一卷

〔明〕丁養浩撰
吉林省圖書館藏清光緒二十一年錢塘丁氏刻本

五三四

湘臯集三十三卷

〔明〕蔣冕撰

上海圖書館藏明嘉靖三十三年王宗沐等

刻本

附《四庫全書總目·湘臯集三

十三卷》提要

湘臯集序

文以載道天下之名言也佐則曰文者道之達也猶聲響形影非有二焉者也古之君子積於其中貴於其躬動爲儀軌颺爲訓謨彰聲教於上刑禮俗於下非有所緣飾而自宣著鴻遠者皆文也故易曰觀乎人文以化成天下夫惟道之不試而後文以載之周子之言蓋顯爲立言者發非所以論文之全也是故得志達道文在人矣不得志以守道文在言矣昔韓魏公爲宰相歐陽永叔在翰林公自謂天下文章莫大於是然則誦其詩讀其書而不夷考其德業豈善觀文者哉洪惟

國朝承胡元陰晦之後

聖祖高皇帝丕闡人文煥乎如堯當時劉宋諸臣以文名世者皆不能外於履幘百餘年來文運與天爲春施及成化弘治間日益亨暢

湘臯集序

後

斬就擊斂瓊臺丘文莊公起而振之其

學修辭直宗子朱子而仰視

聖祖睿製以爲刪益然而春陽和炳然而象緯明繩然而山河兩戒相終始真治世之文也惜入輔已晚平生德業之蘊惟大學衍義補一編而已今少傳兼太子太傳戶部尚書

謹身殿大學士致仕湘源蔣公實出其門受知於公最深問學之弘遽制行之端謹立朝之

湘臯集

序

二

剛正無一不肖似者輔導

武宗扈從南巡力止留都卜

郊翼六龍以

歸輿論謂非公在行則天下貼危未可知及

受遺與少師楊公商確新政詔令一

下除繁釐弊人心翕然凡入告嘉猷于

今上皇帝一主子朱子之說執持不回至於請

老而去其功在社稷排大難斷大事決大

疑有瓊臺公所能爲而未及者公皆身之雖

古之臣可多見哉佐不佞鄉待罪史館

後茲視學廣右拜公洮陽相與晤言道舊

顏色出湘臯集示佐俾爲序佐愚以爲

當以秦疏內制爲首蓋行義達道之所寓而

文與詩賦次之則游藝緒餘也公領而是之

定爲若干卷嘗僭評公德業文章如有源之

水流行阡陌間溢達于澮澮達于川沛乎其

不可遏菽粟是之自出天下實飽之而莫知

湘臯集

序

三

其賜可謂今之韓魏公也已觀是集者當知

公一身關係世道之大毋徒以其文也

嘉靖庚寅春二月旣望門下晚學嶺南黃佐

謹序

湘皋集序

湘皋集少傳敬所將先生著也先生歿二十
年而集始刻傳刻之者督學僉憲王公司馬
郎殷君二君子敦崇耆哲蒐輯遺言用意勤
矣先生自童州稱神樞角發解爲太學生時
文莊丘公竒之以詩曰自嘆白頭難再黑極
知青色過於藍蓋已識其爲公輔之器云旣
登第歷史局官坊才名蒸蒸益起涉陟華階
遂柄大政正德末年當 乘輿四出強虜在
邊巨憝伺隙機事所關間不容髮先生匡扶
拯濟坐消禍變卒之受遣定策迎立
真主轉危疑之勢成 中興之業功在
社稷而先生吶然若愚退然若不能進秩增
爵懇疏辭免

溫倫褒諭有忠謀偉績近古社稷臣之稱則

在

心紀之 國史天下後世有知之者初余

年已切切嚮慕先生恨不能徒步數百里從
其游及舉里選而先生卽世竊謂不得游其
門得聞其梗槩可矣及叨官詞林館閣薦紳
往往談說先生之行事而景其遺風間有得
其所爲文翰無不寶藏之者然不過千百之
十一爾又竊嘆不得與之同朝得讀其緒論
可矣甲寅春余謁告歸泊湘皋過先生故居

湘皋集序

二

徘徊佇眺慨然有遐思焉適先生諸孫務樵
輩授以此集而屬之序余生也晚步趨未能
敢序其文哉然受之卒業得因以窺先生之
輿則幸矣今觀疏陳奏對諸篇主持倫常根
極理要若長河千里勢必東注中經阻激百
折而不失所性之故古律樂府諸體發揚性
真和平冲澹若碧水芙蓉瑩然一色不假安
排雕飾而天巧自在不可及也韓子有言本

之深者其末茂膏之沃者其光燁仁義道德之言不可偽爲也先生盛德渾涵泯然不見圭角故其發於文章不爲佶屈聱牙蘄奇夸靡而忠厚正直之氣光明俊偉之度淵深闊遠之學可以繁見嘗竊譬之蟠松怪石天下之奇玩也然明堂揔章所取材者不於是者多黃蘇天下之奇味也然簞簞樽彝所將獻者不於是先生之文其諸棟楠豫章也大黃

湘集卷序

呂

三

玄酒也有公輸易牙者出將欲掄材而辨味焉當有所取矣余何敢肆爲之說

嘉靖乙卯春二月既望

賜進士及第翰林院編修今歷陞

武英殿大學士少傅兼太子太傅吏部尚書臨

桂呂調陽謹書

湘集卷序

古謂姚宋不見於文章劉柳無稱於功業蓋慨然二者之難兼爾粵稽我朝樹開國之勳垂有文傳世若青田劉公後是而名公碩輔若三楊二李商文毅輩代不乏賢逮正德末嘉靖初若少傅吾湘源毅所蔣公時稱賢輔公幼奇穎甫成童發解廣右入太學師丘文莊公登甲榜入翰林歷官坊學士吏侍禮

湘集卷序

一

書以入內閣襄機政隨其秩位屢著猷爲扈從

武宗皇帝南巡孤立於權倖間隱憂成疾不著

戎服不賀威武府牌額諫止留都郊祀懇

請回鑾尋偕同寅受顧命奉迎

今上皇帝龍飛以紹統立極頒布詔條剴剔宿

弊吁俞廊廟士熙事康以致海宇咸寧

宗社永奠地道無成弗敢貪天功以自伐而

聖神離照，嘗以効勞嘉之。其事業如此，自未足
仕以至。賜閒數十年間，諸文若詩具事情
明理義，凡視草對揚，紀述建白，暨問訊喻勸
褒美乎人者，率秩秩雍雍，正大平實，舒臺
閣之氣，挽敷樸之風，超軋萬之習，其篇章如
此。學識淵宏，操脩雅飭，而謙厚接人，處家崇
孝友之行，蒞官循清慎勤之規，矢不避艱危
庶伸裨謨，烈知止乞休優游於林下，恤民

湘皋集序

二

體國老去，尤惓惓其平生如此，則兼篇章
事業之由也。殆有本者歟？矧躬逢盛時，而
能守法持正，非唐之相開元者可倫矣。抑豈
叔文之黨攻乎？詞者可同日論哉？公嘗自集
詩文稿成冊，既卒，厥子詹事府簿與貞錄以
託太常臨桂張君刻行。未幾，張歿，稿漸散，
家藏原冊適經燼，半存，俾為慨惜者久。公嘗
臨海王公念公名臣前哲遺，有傳公為

湘皋集序

三

後屬同年友夏曹郎臨桂殷君剛次相
分刻以行，遠是固華國之文，不可磨滅而尊
賢發幽力亦多矣。昔昌黎韓子集至宋幾晦
得六一歐子廼顯，迄今則公文之傳也豈偶
然哉？初厥孫務樵務漁務稼，請序於王公殷
君，君致書轉屬於予，而三生申請蔣陳世姻
家先大夫介軒翁與公道義交，俾因辱教愛
叵以不文辭也。奈時方病痰，未能援筆，茲三

嘉靖甲寅夏月前

正德甲戌進士承德郎禮部主客清吏司主
事晚生陳邦傳拜書于西山書屋之敬義齋

湘臯集序

嘉靖庚戌沐受職視廣西學政既入境廼博采其地之山川風俗節士遷入與夫名臣故老知洮陽有敬所蔣公是時去公歿幾二十年矣雖父老子弟往往有能道公行事至從求其遺言存札則家故所藏已散落幾盡余未嘗不喟然嗟也始余髫時因聞公起東南以文學歷事

湘臯集序

三朝始終全名為世所稱道顧以生地僻不及聞今獲遊其鄉而不得一讀其文且如公者非特爲一鄉文學之所關藉而卒使其泯焉不傳是則可悼也已於是始采落搜匿盡得其遺稿名湘臯集合而致於武部郎殷君則悉爲刪次釐爲三十三卷刻焉而公之孫諸生務樵務稼者謁余泣而請序其首簡沐惟昔昔孔子序書論次堯舜三代帝王心學謨

典固將以尊主鄙伯示萬世平天下之大本

大法也如秦穆公者猥焉春秋之雄秦誓一篇乃其窮黷挫悔之詞疑不當與聖王之言並列於經至讀其中所指大臣斷斷無他技而獨以能容爲家國之利則始知其取舍固於聖人不繆也夫大臣而無他技則其平居所事獨鎮靜淵默而於世之所謂智名勇功者皆默然若不敢承比據勢臨變當倉皇膠擾之時乃能委綏曳尾舒徐維持於其間而向之所謂智名勇功者縮手而不敢睨焉則所謂大臣其不近於古所稱而天下亦將陰蒙其惠而莫訟言之乎公由進士以文學進在弘治初年洊歷詹侍入輔大政是時公言行休休恂恂不與時怙寵靈僞然有所操攝似誠無他技者至正德末年

教皇帝思博巡天下以爲諸侯法度 翠華南

湘臯集序

幸患夫愚婦不覩太旨固已覺然為疑奸人
伺便從而馳就其間 儲位固虛大憝在側
比辛巳春北還而 官車且忽宴駕矣是時
安危一髮幾不再勝而幸屬

上以潛德龍飛蓋始會朝而定夫天篤生

聖神以為 天地 社稷開萬世太平人臣誰

得尸其功者而公先是疏請回 鑒于昌忌

諱屋楹廟鼎使四海恃以無恐徐與一二大

湘集卷一

三

臣協心贊盛豫清恩穢曾無遽色卒語而大

策卒定比壬午以后凡所以入告莫非二帝

三王所以典學正心之道以佐 中興則公

之勞於天下不謂不博矣危疑之時天下駭

眩若羈御驥突而公以休休之身橫塞而冀

之至於寵利之間恬引決退瞻然於塵埃為

世羨慕若公者非秦晉所指而利之者與公

學見大端為詩文率沉明雅逸夫公不欲以

智名勇功與天下競而況能吮吟腴引以求
句字之工如藻績之士哉顧其燁然蒼然之
光自不可掩而覽者必知為大臣經國之言
故余不復道而述其大者焉

時

嘉靖三十三年歲次甲寅二月吉

賜進士出身奉議大夫廣西按察司提督學校

僉事前刑部郎臨海王宗沐拜書

湘集卷一

四

一卷至四卷

奏對

五卷至七卷

奏疏

八卷

附錄

九卷至十卷

七言律詩

十一卷

湘臯集目錄

五言律詩

十二卷

古詩 樂府

十三卷至十四卷

七言絕句

十五卷

五言絕句

十六卷

聯句

十七卷

詩餘

十八卷至十九卷

序

二十卷至二十一卷

記

二十二卷

書

二十三卷至二十五卷

雜著

二十六卷

湘臯集目錄

題跋

二十七卷

策問

二十八卷

神道碑

二十九卷

墓志銘

三十卷

墓表

三十一卷

行狀

三十三卷

祭文

湘集

卷一

湘集卷之一

沅陽蔣冕敬之著

臨桂後學殷從儉輯

奏對

乞停止南海子遊獵題本

正德十二年正月初三日

臣某等謹題爲俯納群言以彰聖德事臣等竊見

昨日府部科道等官皆不願

皇上郊天之後前去南海子遊獵俯伏極言甚至有

淚下者百數十人不謀而同豈敢故違聖意哉爲

宗社計耳言雖忠懇天聽莫回以此各官又伏闕

湘集卷一

上疏以覲聖心之終悟也延頸以俟未奉俞音

小大惶惑莫知所措臣等備員內閣輔導無方雖當

隨衆開陳而語言拙訥不能達意昨於薄暮披瀝血

誠謹具短疏恭詣左順門稽首投進歸而抵家卧不

安寢輾轉反覆中夜以思此事行止繫國安危故敢

不避斧鉞昧死再陳伏望皇上廓天地之量昭日

月之明俯鑒群言特賜采納亟將府部科道等官所

陳章疏一一發下令臣等擬旨批出以釋群疑停

止遊獵斷然不行尤望皇上思祖宗付托之重

體臣民愛戴之深重念前呈未獲居守無人郊天

之日并新一日 駕出鑾迴非循故事皆在清晏

以重事天之敬于以防意外之虞則天地歆鑒臣民
歡悅和氣致祥海宇寧謐 宗社萬萬年無疆之慶
端在是矣臣等不勝倦倦懇切俟 命之至

請亟迴鑾主行 太皇太后喪禮題本 正德十
二年二

月初

臣等謹題為恭請 迴鑾以行大禮事臣等密聞

太皇太后已於今日清晨不 查得我 國家 英

宗朝有 誠孝太皇太后之喪 孝宗朝有 孝肅

太皇太后之喪皆以 聖 在御主行 聖祖母喪

禮故事具存今 聖駕出於 大行太皇太后之

疾既不能問安視藥以盡孝忱臣等前此顧乃情然

全不與聞略無片言臣等已往之罪固莫能逭今

太行太皇太后既已 上仙若 聖駕不即 迴鑾

頒布 遺誥曉諭 宗室諸王及中外臣民則此大

喪禮何以舉行臣等於此乃又不能極言力諫以回

聖意其將何以免夫天下後世之責負國之罪雖死

亦不能贖矣伏望 皇上即刻迴鑾遵行 累朝故

事以盡孝思以安天下臣等不勝懇切仰望之至

乞取回鑾及停止張王不差題本 正德十
二年二

某等竊見天下賦稅歲入有常而 國用日增無

有限制雖年穀豐登尚難支持一遇荒歉尤為狼狽

况今歲患未寧軍需糧草在在缺乏太倉每歲解去

各邊銀兩每不足以供一歲官軍之用所賴以接濟

者惟有鹽課一事然往日開中鹽引如正德十年則

開中正德元年以前課額今各處運司該年正課俱

已開中盡絕凡有奏請開中多是預先支給鹽法因

此大壞梓有邊警召募客商多不上納邊方既無以

仰給又不免動支太倉銀兩助買支應蓋因公差入

員奏討引目數多本等客商守支艱難以致如此夫

以太倉有限銀兩既不足以給緩急之需鹽課成法

又日益廢壞無以接濟迨用萬一復報有重大聲息

勢須多用糧草不知 朝廷將何處之近該司設監

太監劉允差往烏思藏齎送番供等物奏討長蘆運

司見鹽一萬引兩淮運司見鹽六萬引其跟隨人役

多有挾勢謀利之徒往往該支一萬引或夾帶至八

九萬引以此載鹽船隻填滿河道南北官民商旅舟

楫一切阻塞不容往來其所用拽船人夫多至二三

千名威勢逼迫後及婦人所過之處怨聲載道非特

月壞益法神恩敷成池變日等實以憂之

所當敬者惟天與祖宗而已列聖以來

廟之祭必竭誠備物以盡報本追遠之道所以天心

悅豫祖考來格災害不生福祥駢集具有明徵初

不以奉事西藩而然也乃若烏思藏者西番化外之

衆其徒飲酒不戒律又釋氏之所耻言者

豈功在上正當嚴禁成速斥其人豈宜崇信其說

遣使送供深費國計而貽生民之害也再照陝西

延綏甘肅等處連年災傷米穀薄收人多饑饉加以

去年虜賊深入搶掠又有回賊屢年作耗瘡痍之民

尚未甦息地方十分艱苦錢糧十分窘乏彼處布政

司等官計無所出具本奏請通融議處又乞賑濟方

愚無以應之今該司禮監傳奉聖旨差御馬監太

監張玉前去彼處巡辦應貢各樣土宜物件其令用

錢糧茶品等項欲令陝西鎮巡都布按三司等官及

甘肅地方官員計處交與張玉置辦凡百大小事情

悉聽張玉便宜處治所在大小衙門毋得違阻令臣

等備以此意撰寫勅書臣等躊躇累日未敢仰

聖意緣前項地方兵荒貧窘民不聊生若令

報取之於官則庫藏匱乏取之於民則

在大小衙門官員雖欲欽奉詔旨無得違阻而

私匿無從出辦儻或嚴刑峻法剝民膏脂有所不

顧竊恐事極變生民窮盜起勢所必至將來意外之

患有不可勝言者矣仰惟聖明在上神武聰明愛

民如子切切以保安地方為念今忽欲有此舉臣等

竊意聖慮一時偶有未及實亦臣等不能開陳之

罪也況甘肅切近土魯番諸夷日夜窺伺欲為邊患

該若內地盜起彼必乘機寇邊地方安危關係非小

至於便宜處治惟軍機重務得以行之尋常公幹豈

可援此為例此事臣等且未暇悉論特以關係聖

治及地方安危者冒昧言之伏望皇上俯垂天聰

亟將劉允取回今後凡有奏討益引者一槩不與重

念陝西之民貧苦可憫更將張玉停止不差前項

勅書免令臣等撰擬地方幸甚生靈幸甚臣等不勝

懇切願望之至

乞寬仁以御左右題本

正德十二年

臣等謹題為崇寬仁以光聖德事臣等竊聞人

君之於臣庶當寬以御之然後能得衆心故皋陶之

稱舜有曰御衆以寬而孔子之論治亦曰寬則衆

此誠古今不易之道也至於左方近臣尤當體此

勞恤其饑困偶有過焉或出於無心面誤犯者亦宜
察而寬宥之誠能如此則人人感恩懷德樂於趨
事雖迫之使去彼將戀戀然如赤子之於慈母亦有
所不忍矣况肯棄官職而逃去乎臣等看得今日發
下文書有鎮撫司一本內開奉御李文長隨楊佑或
因失誤當差或因失誤糾練畏懼責打遂脫下牌帽
各行逃走致被門官并校尉盤詰捉獲送司問理夫
以李文楊佑既官為奉御長隨皆荷有牌帽之賜
彼豈不戀官職之下而乃一旦逃去不顧誠以雷霆
之下無不摧折者而鈞之重無不棄爛者陛下之
威豈但僅如雷霆而其勢亦豈但萬鈞之重而已哉
此臣等所以不避斧鉞之誅惓惓焉惟願 陛下寬
以御衆而尤施仁布德以結左右近臣之心也陛
下儻不以臣等之言為迂 俯賜聽納則不必嚴禁
重罰而人人不敢犯矣伏惟 聖明留意

乞停止差官燒造題本 正德十二年

臣等看得江西地方被賊殘破而饒州一府逼近
源洞自反賊王浩八等亂以來其居民老弱壯
幼生房屋多被焚燬田廬大半拋荒今饒州府
連四散未盡復業所生田廬十室九空

豈可無故騷擾近該工部于本內開
後等題稱本監供應磁器不敷應月先年會議
造各色磁器四十四萬三千五百件自弘治十二年
後陸續燒成進過十萬四千八百三十件未燒三十
三萬八千六百七十件欲差官前去提督燒造奉
聖旨既供應磁器不敷照前奏行件數差官前去燒
造欽此續該工部具題欲望 皇上軫念江西地方
兵荒小民窮困收回 成命特勅該監再查各色磁
器見在之數通融節用節免燒造若果缺乏數多必
不得已則乞免差本監官前去請照依弘治九年事
例惟勅彼處鎮巡三司等官督令該府查照原欠之
數如式燒造陸續 進用奉 聖旨已有旨了着差
去官用心燒造求取欽此隨該司禮監奉 聖旨着
尚膳監太監李和去寫勅與他欽此今 臣等撰寫
勅書臣等看得江西地方委實兵荒相仍小民窮困
若再差官前去多帶匠作人等供費不貲未免重
於民反側之徒將來難保無變誠有如該部之所
者伏望 皇上重念江西地方兵荒民窮所宜憫
矜和停止不差前項 勅書免令 臣等撰擬地方
甚生靈幸甚臣等不勝懇切待罪俟 命之

駕幸近郊借樂少自便近至昌平請迴鑾題

正德十二年八月初二日

臣某等謹題臣等昨日在閣辦理文書見午未未散
候至中刻始出閣門及至長安門外則道路相傳皆
以為聖駕清晨已輕騎徑往教場隨即前去天
壽山等處臣等聞之心膽戰驚莫知所措今儲嗣
未起人心危疑車駕既出誰與居守又各衙門一
應題奏本并太常寺該奏大祀社稷并遣祭
先師孔子此等禮儀尤為重大不知何以上達天
聽臣等職叨輔導實不遑安謹詣行在俯伏面奏
恭請聖駕即回以安人心臣等不勝恐懼待罪祈
恩俟命之至

請亟賜迴鑾題本 正德十二年八月初八日

臣某等謹題今月初一日晚忽聞駕幸教場隨即
移蹕昌平次日午間臣等倉皇前去具本請駕行
至沙河該司禮監太監蕭敬等傳諭聖意命臣等
先回節聞移蹕湯山大壩等處該府部科道等官連
日出安定東直等門迎候迴鑾至初六日早又蒙
聖旨於左順門傳奉聖旨文武官不必迎駕
二日即回欽此近又節聞移蹕通州轉至南海

處臣等已欽遵前旨二日不敢出城迎候但自
一至今已經八日而迴鑾尚無定期中外臣民不
勝危懼况今近郊去處新罹水災人民困窮盜賊
充斥猝然草野鳥驚獸駭意外之變難保必無誠不可
不留聖慮也伏望皇上念祖宗付託之重體
臣民愛戴之深俯納臣等所言即日迴鑾以安眾
心 宗社主靈不勝慶幸

再請迴鑾題本 正德十二年八月初九日

臣某等謹題臣等伏見聖駕遠出巡幸本月初六
日早該司禮監太監蕭敬等於左順門傳諭聖
意命文武百官不必迎駕一二日即回自初六至
今已經三日恭候迴鑾未有定期中外臣民不勝
瞻戀臣等備員內閣義關休戚匡輔無能徒切慚畏
伏望皇上俯納微忱即日迴鑾以安眾心 宗
社幸甚生靈幸甚臣等不勝懇切仰望之至

三請迴鑾題本 正德十二年八月初十日

臣某等謹題伏自今月初一日聖駕遠出巡幸跋
涉數百里經旬未返臣等雖職忝輔導未獲與恩從
之別連日出郊迎請未睹聖顏下情慙慙
懇請待罪俯伏上請伏乞 皇上 宗社之